

Քիւ 28217
Մայիս 27, 1988

Մեծայարգ
Տիար Իֆիլըրա Նորսիկեան
Տնօրէն Հ.Բ.Ը.Միութեան
Ալեք Մանուկեան Վարժարանի
Սառլթֆիլտ.

Յարգելի Տիար Նորսիկեան,

Ստացած ենք Մայիս 20, 1988 թուակիր ձեր նամակը, որով մեզ կը հրա-
ւիրէք Վարժարանի վկայականաց բաշխման հանդէսին՝ որ տեղի պիտի ունենայ
Կիրակի Յունիս 5, 1988ին:

Մեր խորին շնորհակալութիւնը կը յայանենք մեզի ուղղուած այս հրա-
ւերին համար, սակայն կը ցաւինք որ պիտի չկարենանք ներկայ գտնուիլ:

Այս առիթը կը փափայինք մեր գնահատանքը արձանագրել Հ.Բ.Ը.Միու-
թեան Ալեք Մանուկեան Վարժարանի ինստիտուտին, տնօրէնութեան եւ ու-
սուցչական կազմին յանձն ատած նուիրեալ եւ անարդիւնատր աշխատանքին հա-
մար: Հաճեցէք մեր շնորհաւորութիւնը փոխանցել Վարժարանի շրջանաւարտ
աշակերաններուն:

Կ'աղօթենք որ Տէրը իր մշտական հովանիին ներքեւ պահէ մեր բոլոր
կրթական հաստատութիւնները եւ իր օրհնութիւններով զօրացնէ անոնց պա-
սապիանատուներն ու պաշտօնեաները:

Միտոյ ողջունիլ

ԹՈՐԳՈՄ ԱՐՇԵՊԻՍՈՍՈՍՈՍ
Առաջնորդ



22001 Northwestern Highway, Southfield, Michigan 48075 (313) 569-2988

Մայիս 20, 1988

Գերշ. Տ. Թորգոմ Արք. Մանուկեան
Առաջնորդ Ամերիկահայոց Արեւելեան Թեմի
Նիւ Եորք, Ն.Ե.

Գերաշնորհ Սրբազան Հայր,

Հ.Բ.Ը.Մ. Ալեք Մանուկեան վարժարանի 6-րդ ընթացաւարտ
դասարանի վկայականներու բաշխման հանդէսը տեղի պիտի ունե-
նայ Կիրակի, Յունիս 5, 1988, Կ.Ե. ժամը 4:00-ին, Ս. Յովհ.
Մկրտիչ Եկեղեցւոյ Մշակութային Սրահին մէջ, Սառլթֆիլտ, Մի-
շիկըն:

Յանուն Հ.Բ.Ը.Մ. Ալեք Մանուկեան վարժարանին, պատիւ
ունիմ Ձեզ հրաւիրելու իբրեւ մեր յարգարժան հիւրը վկայական-
ներու Բաշխման Հանդէսին:

Մաղթելով Ձեզ արեւշատութիւն, կը մնամ,

Մատչելով ի համբոյր Սուրբ Աջոյդ՝

Ռիչարդ Ենրսիկեան
Ռիչարդ Ենրսիկեան
Տնօրէն



ԱՌԱՋՆՈՐԴՈՒԹՅՈՒՆ ՀԱՅՈՑ

DIOCESE OF THE ARMENIAN CHURCH OF AMERICA, 630 SECOND AVENUE, NEW YORK, N.Y. 10016-4885 212 686-0710

Archbishop Torkom Manoogian, Primate

Փետրուար 22, 1989

Հոգեշնորհ

Տ. Փառեն Ծ. Վրդ. Աւետիքեան

Հովիւ Ա. Յովհաննէս Մկրտիչ Եկեղեցոյ

Նախագահ Ծխական Խորհուրդի

Սաութֆիլտ.

Սիրելի Հայր Փառեն,

Մօտ երկու ամիս առաջ Առաջնորդ Սրբազան Հայրը զիս Ա. Վարդան Մայր Տաճարի լուսարարապետ նշանակեց:

Սուրբ Վարդան Մայր Տաճարը հայկական կառուցումաձքով ու ոճով շինուած, ինչպէս Թեքէեան կ'ըսէ. «Պարզ ու խորունկ, մութ ու լոյս» տաքուկ մթնոլորտով սրբավայր մըն է: Օտարներ երբ եկեղեցի կը մտնեն՝ հայկական ճարտարապետութեան ու մեր եկեղեցոյ հմայիչ մթնոլորտին վրայ կը հիանան: Ա. Վարդան Մայր Տաճարը սրբազան կոթող մըն է, որմով մենք ազգովին պէտք է հպարտ ըլլանք եւ անոր վրայ գուրգուրանք:

Անշուշտ Մայր տաճարի ճարտարապետութիւնն ու մթնոլորտը բաւարար չեն ըսելու համար որ Ա. Վարդան Մայր Տաճարը կատարեալ է: Սակայն կարելի է ըսել՝ նեկայանալի ու վայելուչ է: Բայց եւ այնպէս կրնայ աւելի լաւ, աւելի վայելուչ եւ աւելի ներկայանալի ըլլալ: Ինչպէս գիտէք բարելաւումի համար սահման չկայ:

Աւելի վայելուչ դառնալու ազդակներէն մին է ծեսին հետ կապուած սպասներու կանոնաւորութիւնն ու ներդաշնակութիւնը:

Քանիցս ներկայ եղած եմ Մայր Տաճարին մէջ տեղի ունեցած հանդիսաւոր թափօրներուն. միշտ թափօրներու համար մեր եկեղեցական եղբայրներէն խնդրուած է որ իրենց շուրջառնէրը

հետերնին բերեն: Շատեր զանազան պատճառներով չեն կրցած՝ բերել եւ ստիպուած անոնց տրամադրուած են Մայր Տաճարի շորջառները: Սակայն այդ շորջառները բաւարար չեն եղած: Ինքս Ս. Քաղաք Երուսաղէմ ուսանած ու ձեռնադրուած ըլլալով՝ ականատես եղած եմ թափօրներու ընթացքին միօրինակ եւ միաձեւ շորջառներու ներդաշնակ տեսքին: Ինչ որ Ս. Քաղաքի մէջ տեսած եմ՝ կ'ուզեմ նաեւ Ս. Վարդան Մայր Տաճարին մէջ ի գործ դնել:

Որոշած եմ 30 հատ միաձեւ եւ միօրինակ շորջառներ կարել տալ Մայր Տաճարէն ներս տեղի ունեցող արարողութիւններու եւ թափօրներու ընթացքին գործածելու համար, որպէս զի թափօրները առաւել եւս վայելուչ ու ներկայանալի ըլլան:

Սոյն ծրագրի գործադրութեան համար մեր ժողովուրդի եւ ձեր եկեղեցոյ բարոյական ու նիւթական օժանդակութեան կարիքը ունիմ: Սոյն գրութեամբս պիտի խնդրէի որ ձեր եկեղեցին ստանձնէր շորջառ մը կարելու ծախսը՝ որ 350 (երեք հարիւր յիսուն) տոլար է: Վստահ եղէք որ ձեր նիւթական օժանդակութիւնը մեծապէս պիտի գնահատուի:

Ձեր արեւշատութեան ու յաջողութեան բարի մաղթանքներով,

Աղօթակից

Բարգէն Վրդ. Անուշեան
Լուսարարապետ Ս. Վարդան Մայր Տաճարի